





Auditors, iudicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.3. Non obstantibus premissis, ac Constitutionibus, & ordinationibus Apostolicis, necnon dicti Ordinis, aliisque quibusvis etiam iuramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque Indultis, & literis Apostolicis in contrarium premissorum quomodolibet concessis, confirmatis, & innovatis, Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes, illis alias in suo robore permansuris, ad premissorum effectum hac vice dumtaxat specialiter, & expresse derogamus, ceterisque contrariis quibuscumque.

§.4. Volumus autem, ut eorundem presentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides, ubique locorum tam in iudicio, quam extra illud habeatur, quae haberetur ipsis presentibus, si forent exhibite, vel ostense.

Datum Romae Apud Sanctam Mariam Majorem sub Annulo Piscatoris die XXVII. Novembris MDCLXXIX, Pontificatus nostri Anno Quarto.

LXXVIII.

Permittitur, ut in Provincia S. Petri de Alcantara Discalceatorum in Regno Neapolitano locum habere possint Fratres ejusdem Ordinis Provinciarum Hispaniae.

INNOCENTIUS PAPA XI.

Ad perpetuam rei memoriam.

Ortus, & progressus hujus Provinciae cuius status.

Alias fel. record. Clementi PP. X. praedecessori nostro pro parte dilecti filii nobilis viri Petri de Aragonia Ducis Segobricae, & Cardona tunc Regni Neapolis Proregis, exposito, quod cum Custodia S. Petri de Alcantara in dicto Regno Neapolis Fratrum minorum Ordinis Sancti Francisci de Observantia Discalceatorum nuncupatorum in executionem quarundam ipsius Clementis praedecessoris in simili forma Brevis literarum die 30. Septembris 1670. expeditarum perpetuo creata, & instituta fuisset, eo praecipue sine, ut illius Fratres instructioni, aliisque spiritualibus necessitatibus militum Hispanorum in eodem Regno pro tempore degentium operam darent, idem Petrus Dux, & Prorex nonnulla sine quibus tunc hujusmodi obtineri nequibat, nec custodia ipsa in sui Instituti rigore & puritate conservari potuisset, statui, & indulgeri plurimum desiderabat: Idem Clemens praedecessor supplicationibus ipsius Petri Ducis, & Proregis, nomine sibi super hoc humiliter porrectis inclinatus, quod ejusdem Custodiae Custos, & Conventus S. Luciae de Monte nuncupat. Civitatis Neapolitan. ad ipsam Custodiam spectantis Guardiani natione Hispani semper esse deberent; Ex quatuor vero Desinitoribus ipsius Custodiae saltem duo semper essent Hispani,

etiam in casum subrogationis, & Superiores ejusdem Custodiae, praeter, & ultra praefatos Hispanos in dicto Conventu Sanctae Luciae saltem Concionatores, & duos Confessarios pariter Hispanos pro Concionibus ad praefatos milites Hispanos habendis, eorumque Confessoribus audiendis habere semper teneantur, ne unquam in futurum in Custodiam praefatam recipi possent ullus Frater in alia Provincia, vel Custodia professus, sed quando aliquem admitti expediens, vel necesse fuisset, is immediate a saeculo ad habitum recipi, & in dicta Custodia, ejusque Domo Novitatus educari deberet, auctoritate Apostolica inter alia statuit, & ordinavit, & alias prout in ipsius Clementis praedecessoris literis desuper in simili forma Brevis die 28. Augusti 1673. emanatis, quatum tenorem presentibus pro plene, & sufficienter expresso, ac de verbo ad verbum inserto haberi volumus, uberius continetur. Cum autem sicut pro parte Charissimi in Christo filii nostri Caroli Hispaniarum Regis Catholici per dilectum filium nobilem virum Gasparem de Haro y Gusman pro eodem Carolo Rege apud nos, & Sedem Apostolicam Oratorem Nobis nuper expositum fuit, Custodia praefata subinde in Provinciam auctoritate Apostolica erecta fuerit, & Congregatio tunc existentium S. R. E. Cardinalium negotiis, & consultationibus Episcoporum, & Regularium preposita declaraverit Ministrum Provincialem novae Provinciae hujusmodi natione Hispanum esse debere, quem admodum de Custode in ultimo dictis Clementis praedecessoris literis statutum reperiebatur, verum si prohibitio recipiendi in dictam Custodiam nunc Provinciam Fratres in alia Provincia, vel Custodia professos, generaliter etiam quo ad fratres Discalceatos Provinciarum Hispaniae dicti Ordinis observaretur, nec dicta nova Provincia diu conservari, ne finis propter quem prima Custodia praedicta erectio facta est, obtineri, neque supra expressis ordinationis Clementis praedecessoris executioni mandari valerent, & cum sperari non possit tot a saeculo in eandem novam Provinciam receptum iri in Fratres Hispanos, quot pro adimplendis statutis, & ordinationibus hujusmodi sufficient. Nobis propterea ejusdem Caroli Regis nomine per praefatum Gasparem, Marchionem humiliter supplicatum fuit, ut in praemissis opportune providere, & ut infra indulgere de benignitate Apostolica dignaremur.

§.1. Nos igitur ipsius Caroli Regis votis hac in re quantum cum Domino possumus favorabiliter annuere volentes hujusmodi supplicationibus inclinati, ut Fratres Discalceati expressis professi Provinciarum Hispaniae Ordinis praedicti, cum debitis suorum Superiorum licentis in praefatam Provinciam S. Petri de Alcantara in Regno Neapolis, servatis servandis recipi, & admitti, illique incorporari libere, licite, & valide possint, & valeant auctoritate Apostolica tenore presentium concedimus, & indulgemus. Praeterea, ut Minister Provincialis, ac duo saltem Desinitores, & Guardianus dicti Conventus Sanctae Luciae ejusdem Provinciae pro tempore existentes natione Hispani, nempe ex utroque Parente Hispano nati semper esse, ceteraque omnia, & singula in ultimodictis Clementis praedecessoris literis disposita, in Provincia hujusmodi semper observari debeant, auctoritate, & tenore praefatis statuimus pariter, & ordinamus.

§.2. De-

Classula.

§.1. Decernentes easdem praefatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, ac pro tempore quomodocumque spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis per quoscumque Judices Ordinarios, & Delegatos, etiam causarum Palatii Apostolici Auditores, iudicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§.2. Non obstantibus quo ad ea, quae presentibus quomodolibet adversantur praefatis Clementis praedecessoris literis, necnon omnibus, & singulis illis, quae in eis concessa sunt non obstante, ceterisque contrariis quibuscumque.

§.3. Volumus autem, ut eorundem presentium literarum transumptis, & exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in iudicio, quam extra illud habeatur, quae ipsis presentibus haberetur si forent exhibite, vel ostense.

Datum Romae apud Sanctam Mariam Majorem sub Annulo Piscatoris die XXI. Novembris MDCLXXIX. Pontificatus nostri Anno Quarto.

LXXIX.

Revocatur concessio facta Vicecancellario quamplurium Officiorum vacabilium, quae denuo Camerae Apostolicae restituantur.

INNOCENTIUS PAPA XI.

Exordium.

Motu proprio &c., Divina disponente, clementia ad summi Apostolatus apicem meritis licet imparibus assumpti, inter cetera cordis Nostri desiderabilia illud intentis exoptamus affectibus, ut ea, quae Sedis, & Camerae Apostolicae, cujus affectus, redditus, & proventus a nonnullis Romanis Pontificibus temporum, & rerum qualitatibus id tunc permittentibus concessi, atque assignati fuerant, commo dum, & utilitatem respiciunt, Nos urgentibus causis novis restituamus, & ad statum primum reducamus, sive de novo applicemus, & attribuamus, aliaque desuper opportune disponamus, & ordinemus, prout majori ejusdem Sedis, & Camerae sublevamini conspicimus expedire.

A quibus facta ejusmodi concessio.

§.1. Cum itaque rec. memor. Praedecessores nostri Sixtus PP. IV., Leo Papa X., Paulus Papa III., & forsitan alii infra scripta officia vacabilia ad Sedem, & Cameraam Apostolicam pertinentia, ex certis expressis causis, & praesertim ob aliquam Cancellariae emolumentorum diminutionem resultantem ab aliquibus Privilegiis, quae Officialibus de novo erectis concessa fuerunt, S. R. E. Vice-Cancellario tunc, & pro tempore existentis, ejusque Vice-Cancellariatus Officio in perpetuum concesserint, assignaverint, forteque donaverint, & elargiti fuerint, atque pariter rec. mem. Sixtus PP. V. similiter Praedecessor noster concessiones, & assignationes hu-

Permissio praedicta, & statutum servandi in reliquis Clem. X. literis pro dicta Provincia observari.

Preces Caroli Regis Catholici.

jusmodi confirmando, & approbando, aliorumque Officiorum concessionem de novo faciendo tunc, & pro tempore existentis Vice-Cancellario amplam dedit facultatem, & potestatem, de eis quomodocumque, & quomodocumque casus eorum vacationis eveniret libere disponendi, ac personis sibi bene visis ad vitam, etiam per viam venditionis, & recepto pretio concedendi, & conferendi simili modo, quo Romanus Pontifex de aliis Romanae Curiae Officiis vacabilibus disponere solebat, & solet, ut ex praefatorum, aliorumque Romanorum Pontificum Motibus propriis, seu Literis, & Provisionibus, quorum tenores ex certa scientia pro expressis, atque in presenti Motu proprio pro insertis haberi volumus, ipsaque Officia sunt, nempe unum Regentis ejusdem Cancellariae, sex majoris, & quindecim minoris Praesidentiae Abbreviatorum, viginti quinque Solicitorum Literarum Apostolicarum, duodecim Notariorum causarum Palatii Apostolici, ad unum dumtaxat per rec. mem. Clementem PP. X. etiam Praedecessorem nostrum reducta, tria Cubiculariorum, septem Scutiferorum de numero Participantium, viginti sex S. Petri, tresdecim S. Pauli, duo de Lilio, & viginti Piorum Militum, necnon Custodis, Notariatusque, & Ollarii ejusdem Cancellariae, unum Notariatum Contradictarum, & aliud De consuetis nuncupatum, nonnullaque forsitan alia Officia hujusmodi vacabilia, quae pariter in presenti Motu proprio pro plene, & sufficienter expressis haberi volumus.

Concessio Officia recensita.

Causae revocationis.

§.2. Nos occasione vacationis praefati Officii Vice-Cancellariatus per obitum bo. mc. Francisci, dum viveret S. R. E. Cardinalis Barberini nuncupati, Sacri Collegii Decani, ac Officium, & Veliterne. Episcopi ejus possessoris nuper sequuta, considerantes praefatum Vice-Cancellariatus Officium cum aliis emolumentis, quibus ejus Possessor potiri solet, juxta modum in ejus collatione, & provisione a Nobis decernendum, congruam, sufficientemque provisionem habere, omnemque justitiam, aequitatis, & congruentiae rationem exigere, ut praefata officia, & alia, si quae sint similia incremento, & sublevamini cedant praedictarum Sedis, & Camerae Apostolicae, quae de presenti magis gravibus, & urgentibus necessitatibus premuntur, atque eis quod jam suum erat, restituere. Hinc rebus mature, & diligenter examinatis, ex praemissa, aliisque rationabilibus causis, animum nostrum moventibus Motu simili, & ex certa scientia, maturaque animi Nostri deliberatione, ac de Apostolica potestatis plenitudine, omnia, & singula praefata, & quaevis alia cujusvis generis, & qualitatis, ac quomodolibet nuncupata Officia vacabilia, & vendi solita, si quae sint, alias superius non expressa, eidem S. R. E. Vice-Cancellario concessa, assignata, applicata, & appropriata, aut etiam donata, ut permittitur, ab eodem Vice-Cancellariatus Officio Apostolica auctoritate dismembramus, & separamus, illorumque omnium, & singulorum sic dismembratorum, & separatorum Officiorum concessionem, & assignationem, omnimodamque illorum dispositionem cum primum, ac deinceps semper, & quotiescumque illa per cessum, vel decessum, aut promotionem, privationem, seu quamvis aliam dimissionem, illa pro tempore

Fit revocatio, & una simul Camerae Apostolicae restituitur officiorum, ubi nisi non vacaverint.



